

五經同卷

無字法門經

老女人經

老母經

老母女六英經

菩薩逝經

大乘遍照光明藏無字法門經

大唐中天竺三藏法師地婆訶羅再譯

如是我聞一時佛住王舍城耆闍崛山與大菩薩及比丘僧無量百千億那由他衆俱其諸菩薩一切皆得大智善權悉能通達無字法藏具樂說辯不違真俗勇猛精進永離蓋纏調伏諸根無所執着憐愍衆生如視一子愛重實智如大寶洲慚愧爲身定慧爲首以大慈悲而爲體性知善不善實不實法照了二空住勝妙地得大名稱永安隱眠決定修行最上之法永離胎藏下劣之身示現受生守護國土諸所施爲普遍賢善離於三界能

毀二

救三界其行清淨善達自他皆得具足如是功德其名曰勝思惟菩薩勝趣行菩薩妙音菩薩美音菩薩辯具菩薩辯聚菩薩珠髻善薩千輻菩薩法輪菩薩法響菩薩蓮華面菩薩蓮華眼菩薩持地菩薩持出菩薩聲遍大地菩薩如是等菩薩摩訶薩一切都是童子像類於此衆中而爲上首各各與已眷屬等俱余時觀出音菩薩與無量無數灌頂受職諸菩薩衆之所圍遶得大勢菩薩與無量億大梵天衆之所圍遶勝思惟菩薩與無量菩薩及天主帝釋之所圍遶虛空藏菩薩與無量四天王衆之所圍遶衆所知識菩薩與無量媛女之所圍遶普賢菩薩離疑菩薩不空見菩薩止諸蓋菩薩無量善巧藥王菩薩藥上菩薩等各與無量菩薩大衆之所圍遶長老舍利弗摩訶目乾連摩訶迦葉等各與一切大阿羅漢之所圍遶乃至十方恒河沙等一切世界所有日月諸天子等各以威光來

至佛所以佛神力彼彼威光不能照曜猶如聚墨比闇浮金又有無量那羅延天及以水天德义迦龍王阿那婆達多龍王等亦與眷屬之所圍遶美音乾闥婆王亦與無量乾闥婆衆之所圍遶無濁迦樓羅王與七億迦樓羅王眷屬圍遶乃至十方恒沙世界一切菩

羅

五經

甲

薩各請已佛與眷屬俱來至此間娑婆世界持諸上妙出世供具供養於佛及菩薩已各

禮佛足却住一面坐蓮華座瞻仰世尊

爾時勝思惟菩薩摩訶薩即從座起偏袒右肩右膝着地合掌向佛而作是言世尊我爲四衆欲問如來二字之義唯願如來爲我解

說令我等輒咸得利益

爾時世尊告勝思惟菩薩言善男子如來豈爲一衆生故出現於世乃爲利益無量衆生出現於世善男子汝今乃能爲四衆故請問於我二字之義隨汝所問當爲汝說於是勝思惟菩薩蒙佛聽許白佛言世尊有何等法

菩薩摩訶薩應當除滅及以守護復有何法如來克證及以覺知如是二義唯願爲說
尔時佛讚勝思惟言善哉善哉善男子汝已成就無量福慧復爲如來加威神力乃能問我如是之義諦聽諦聽善思念之吾當爲汝分別解說

善男子有一種法菩薩摩訶薩應當除滅何等一法所謂欲貪如是一法菩薩摩訶薩應當除滅善男子復有一法菩薩摩訶薩應當除滅何等一法所謂瞋恚如是一法菩薩摩訶薩應當除滅善男子復有一法菩薩摩訶薩應當除滅善男子復有一法菩薩摩訶薩應當除滅何等一法所謂愚癡如是一法菩薩應當除滅何等一法所謂憍慢如是一法菩薩應當除滅善男子復有一法菩薩摩訶薩應當除滅何等一法所謂我執如

乙

五經

乙

甲

菩薩摩訶薩應當除滅善男子復有一法菩薩摩訶薩應當除滅何等一法所謂我執如是一法菩薩摩訶薩應當除滅善男子復有一法菩薩摩訶薩應當除滅何等一法所謂懈怠如是一法菩薩摩訶薩應當除滅善男子復有一法菩薩摩訶薩應當除滅何等一

法所謂睡眠如是一法菩薩摩訶薩應當除滅善男子復有一法菩薩摩訶薩應當除滅何等一法所謂染愛如是一法菩薩摩訶薩應當除滅善男子復有一法菩薩摩訶薩應當除滅善男子我見如是菩薩發意說言我今敬順如來正教應當除滅何等一法所謂疑惑如是一法菩薩摩訶薩應當除滅善男子復有一法菩薩摩訶薩應當除滅何等一法所謂無明如是一法菩薩摩訶薩應當除滅善男子如上所說如是等法菩薩摩訶薩應當除滅善男子汝問於我復有何法菩薩摩訶薩應守護者今爲汝說善男子有一種法菩薩摩訶薩常當守護何等一法所謂已所不欲勿勸他人如是一法菩薩摩訶薩常應守護何以故若菩薩摩訶薩守護此法即是守護諸佛如來一切戒藏如諸菩薩自愛命者則不應利自愛財者則不應盜自愛妻者不應侵他自愛實語不應誑彼自愛和合不應間他自愛正直不應邪綺自愛柔軟不應惡罵自愛止足終

不於他而生貪欲自愛仁恕不於他而生瞋恚自愛正見終不教他令生邪見善男子如是菩薩發意說言我今敬順如來正教應當勤心守護此法是名菩薩摩訶薩守護一法善男子我見如是諸菩薩等欲求無上大菩提者悉爲樂故而求菩提無有爲苦求之者也善男子是故我說已所不欲勿勸他人如是等法菩薩摩訶薩應當守護
是時勝思惟菩薩復白佛言世尊何等之法如來克證及以覺知唯願爲我開演其義佛言善男子無有一法而是如來所覺所證何以故於諸法中無覺無證此是如來所證所

四
五

覺善男子一切諸法本無有法如來覺證一切諸法本無有滅如來覺證一切諸法性離二邊如來覺證一切諸法本無有實如來覺證復次善男子一切諸法皆從自業因緣力故而得生起而是因緣念念不住猶如電光如是業緣如來覺證是故我說以因緣故而

諸法生以因緣故而諸法滅若離因緣則無業報如是等事如來覺知善男子如是所覺一切法性是名遍照光明之藏善男子何故法性名之爲藏以諸衆生出世智皆依此藏而得生故如以實智觀彼法性智依彼生故名爲藏

復次善男子我亦復說一切諸法如幻如焰如水中月如是等事如來覺證又善男子諸法性相一味解脫如是等事如來覺證善男子如是解脫一味法性是名遍照光明之藏復次善男子又有一法如來覺證何等一法所謂諸法不生不滅不增不減不來不去不取不捨非因非緣如是等法如來覺證

復次善男子如來了知一切諸法無有自性不可爲喻無有文字之所辯說如是之法如來覺證善男子如上所說如是之法悉是如來所覺所證當佛說此遍照光明藏無字法時有微塵數諸菩薩等得住十地又有無量

諸菩薩等住於諸地又有無量諸菩薩等證得百千諸大三昧又有無量塵數衆生發阿耨多羅三藐三菩提心又有無量無邊衆生得阿羅漢果又有無量無邊衆生得脫地獄餓鬼畜生種種諸苦生人天中受勝妙樂諸在會衆悉不唐捐無有一人而空過者

余時佛告羅睺羅言善男子我此法要汝當受持時彼會中有九十億菩薩摩訶薩聞是語已承佛神力白佛言世尊我等誓於娑婆世界後時後分見有堪能爲法器者我當爲彼宣說是經唯願世尊不以爲慮余時四天王復白佛言世尊若當來世有善男子及善女人能有受持此經典者我當擁護諸有願求皆令滿足何以故此善男子及善女人能持此經是法器故

余時世尊見九十億諸菩薩等及四天王如是請已便作是言善男子我此所說遍照光明藏無字法門我得佛來未曾演說今爲汝

等而演說之善男子彼未來世諸衆生等若得聞此希有法門當知是人久已成就無量福慧當知是人則爲承事供養於我當知是

人則爲荷擔佛大菩提當知是人決定當得

成就辯才當知是人決定當得清淨佛土當知是人臨命終時定當得見阿彌陀佛菩薩

大衆之所圍遶當知是人常見我身在靈鷲山及見此等諸菩薩衆當知是人則爲已得無盡法藏當知是人得宿命智當知是人不墮惡道

復次善男子今我說是未曾有法若當來世有善男子及善女人設有已作五逆等罪聞此法門若能書持讀誦解說或勸他人書持讀誦及以解說我見是人不墮惡道其人所有諸煩惱障業障報障皆得清淨其人來世具得五眼其人則爲一切諸佛所共灌頂其人則爲諸佛世尊及諸菩薩之所護念其人來世在在所生具足諸根無有缺減

四

五

六

平

佛說是經已勝思惟菩薩摩訶薩等及諸比丘天龍八部聞佛所說皆大歡喜信受奉行大乘遍照光明藏無字法門經

佛說老女人經

吳月支優婆塞支謙譯

聞如是一時佛在墮舍羅所止處名樂音時有八百比丘菩薩万人俱時有貧窮老女人來到佛所以頭面着地爲佛作禮白佛言願欲有所問佛言善哉當問老女人言生從何所來去至何所老從何所來去至何所病從何所來去至何所死從何所來去至何所色痛癢思想生死識從何所來去至何所眼耳鼻口身心從何所來去至何所地水火風空從何所來去至何所佛言善哉問是大快生無所從來去亦無所至老無所從來去亦無所至病無所從來去亦無所至死無所從來去亦無所至色痛癢思想生死識無所從來